


TENTAMEN CHYMICO-MEDICUM

I N A U G U R A L E,

D E

Calculo Urinario, et Lithontripticis.



TENTAMEN CHYMICO-MEDICUM
I N A U G U R A L E,
D E

Calculo Urinario, et Lithontripticis.

Q U O D,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S.S. T.P.

ACADEMIÆ EDINBURGENÆ Praefecti;

N E C N O N

Amplissimi SENATUS ACADEMICI consensu,
Et nobilissimae FACULTATIS MEDICÆ decreto;

P R O G R A D U D O C T O R I S,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit

J A C O B U S R E Y N O L D S,
H I B E R N U S,

Societatis Med. Hib. Sodal. Extraordin.

Et Praefes Annuus, &c. &c.

Ad diem 12. Septembris, hora locoque solitis.

Although the arguing from experiments and observations by induction, be no demonstration of general conclusions, yet it is the best way of arguing which the nature of things admits of. NEWTON.

E D I N B U R G I:
Apud BALFOUR et SMELLIE,
Academiae Typographos.

M,DCC,LXXXVII.

50337



Patri Patriae,

J A C O B O S T E W A R T,

De Killy-Moon, in Agro Tyronienſi,

Armigero,

Senatori Hibernico *incorrupto*,

Duci Primi Cohortis

Militum Voluntariorum Tyronienſis,

Hominum amico,

Qui populum cheu ! egentem ! mancipatum ! miſerum !

Inter primos erexit,

Et eum quantum potuit divitem, liberum, beatumque

Reddidit ;

Quapropter gens fortis olim *dominatu alieno oppreſſa*

Et aerumnis deformata,

Nunc illius et conſortium magnanimorum ope,

Propriis ſolummodo legibus obnoxia,

Dominis ipſis prioribus libertatem palam praedicantibus,

Eum *animis gratiſſimis ſummisſque laudibus*

In aeternum proſequetur !

Hoc quaecunque ſit opusculum,

In ſummae obſervantiae,

Animique haudquaquam ingrati,

Ob beneficia ſua in patriam collata,

Monumentum,

Sacrum eſſe

Voluit

A U C T O R ;

Nec non,

Viro admodum reverendo,

GEORGIO MURRAY,

APUD COOKSTOWN,

Benignitate, pietate, humanitate,

Omnibusque ingenii felicitis dotibus,

Insigni,

Cujus praestantia cordis, et amica in *omnes* benevolentia,

Admirationem et amorem *omnium* conciliant,

D. D. Cq.

Devotissimus

JACOBUS REYNOLDS.

TENTAMEN CHEMICO-MEDICUM

I N A U G U R A L E,

D E

Calculo Urinario, et Lithontripticis.

CUM tot morbos crudeles a calculis urinariis oriundos perpendeamus, quin inter dirissimos quibus genus humanum obnoxium est recenseamus, vix dubitare possumus. Aliis in morbis aeger levaminis aut finis mali spe fovetur; hic autem dum cruciatu noctes pervigilat amaras; cogitationes moestae; morbum non nisi ope chirurgica cruenta et periculosa sanabilem esse; calculosum miserum conficiunt, quamobrem multi vitam ingratam trahere, et mortem lentam et crudelem, finem aerumnarum expectare maluerunt.

Hoc malum igitur merito medicorum et philosophorum a primis seculis attentionem sibi vindicavit ; quippe qui dolores quibus nullum levaminis ferre possunt misereri coacti fuerunt, et praecipue hodiernis curae fuit.

DE ORIGINE ET FORMATIONE CALCULORUM.

Exempla calculorum in omnibus fere humani corporis cavis deprehenforum nobis tradunt medicinae annales. Apud quosdam scriptores in glandula pineali, cerebrique ventriculis, inventos esse fertur ; in ductibus quoque salivaribus et pancreaticis, nec non in vesica fellea et pulmonibus, reperiuntur, etiam intra cor et pericardium extitisse dicuntur. Concretiones complures apud illustrissimum Monro quae intra intestina deprehensae erant saepenumero vidi *. Hippocrates de calculo utero detracto nobis narrat.

* Vide Essays and Observations Physf. and Liter. Vol. 2. pag. 345.

narrat *. Haec et talia indicant, analyfi chemica poſthabita, fanguinem et ſecretiones ejus, magna copia materiae calculosae abundare ; urina autem, quippe partes ſolidorum contritas, et humores abluit, ſedimentum ſemper demittit: Ita ratio in promptu erit quare calculi in viis uriniferis, quam alibi, ſaepe inveniuntur.

Nuck. clar. tuber ligneum per ſciſſuram in veſica urinaria canis factam immiſit, poſt paucas hebdomadas cadavere diſſecto, tuber calculoſa cruſta obteſtum reperit † ; hinc conjicere licet, materiam calculoſam urinae ſaniffimorum ſemper ineſſe ; et celeb. Scheele verba de urinae ſedimento faciens, nullum diſcrimen inter urinae ſedimentum et calculos quos ad examen redigerat, ſe reperiſſe ait. Quum hoc ſedimentum autem copia, cujus etiam variis temporibus in eodem homine variat non nimia copia ſit, et nulla cauſa quare precipitaretur, acciderit, nullum incommodum efficiat ; variae tamen cauſae ad id dejiciendum valent ; valetudo et nervorum ſtatus inſigniter urinam mutant ; in hyſteria et hypochondriaſi urina copioſe odore, ſapore, et colore expers fluit ; in tertiana et nonnullis

* Epidemic V. textu 20. tom. ix.

† Adenographia, pag. 78.

nullis in morbis aliis, urina sedimentum lateritium magna copia deponit. Urina sedimentum largum podagro laborantium dejiciens, ejusdem documentum est, et in iis morbis quibus ossa adeo mollia fiunt, ut facile scalpello secari possent, aegri urinam reddunt, quae multum materiae calculosae deponit, quae terrae ossium refert *, quae cum terra calculosa eadem est. Quum tale sedimentum largum adest, diathesin calculosam format, haec vitio absorbentium aut virium concoctricium pendere videtur. Omnes liquores solvere et suspensam tenere possunt quandam copiam earum rerum quarum menstrua sint; si majore copia addatur, pars redundans ejus separatur et deponitur, si lymphatica adeo morbida fiant, ut particulas ossium terreas absorbeant, majore copia quam a fluidis suspensum teneri potest; pars redundans igitur deponetur, et apud renes et vesicam urinariam, talem depositionem accidere verisimile est. Omnes fere scriptores hac de re, cibum qui terra scatebat calculorum generationi favere existimarunt. Sed quomodo terra cujuscunque generis cum cibo ingesta calculis favere potest, mihi mirum videtur, et praecipue cum indolem ejus consideremus, utpote a Scheele et Berg-

man

* Vide Phil. Transact. Vol. 52.

man claris *, et a Doctore Black virorum humanissimo et philosophorum illustrissimo, editam †. Ex eorum experimentis constat, calculos, concretiones salinas (quippe in aqua solubiles, &c.) sponte formatas, a sedimento urinae haberi posse. Calculi, igni expositi, aërum^{et} fixum, acidum concretum, fortasse sui generis, alk. vol. et terram animale^m edunt.

Incolas regionum quarundam calculis magis opportunos esse dicitur, quod a diaeta pendere existimatur. Sed morbus non ex hac causa, sed ex aliis, pendere videtur.

Batavi regionem paludosam occupantes, ubi ut perspiratio plurimum turbaretur necesse est, valde ad calculos proclives sunt. Hoc accidere fertur, quia caseo, carne falsa, arida, et fumigata vescuntur; sed apud Indos Orientales, testimonio Docti Dennys, qui septem annos ibi degerebat, ubi maximus Batavorum numerus apud Bataviam sunt, hic morbus raro invenitur, etsi Batavi qui ibi degunt panem crassum, carnem falsam, comedunt, et aqua a finitimis

* Vide Scheele's Essay, cum Bergman Supplem.

† Black's Lectures.

mis montibus particulis terreis atque petrosis imbuta untur. Ex nexu inter urinam et halitum cuticularem, videtur, morbos hujus, illam male afficere posse. Nonne, hoc modo vita sedentaria perspirationem minuendo homines ad calculum opportunos reddere potest? Nonne effectus acidorum crudorum, ad calculos formandum *, ventriculum et halitum cuticularem afficiendo pendet? Cl. Monro notavit, lymphatica solida aeque ac fluida absorbere reperiri; quod experimenta ab ingenuo Du Hamel instituta, quibus partes ossium terreas absorptas esse reperit, clare commonstrant; nam rubrum colorem, qui ossa a rubia tinctorum accepit intra spatium sex hebdomadarum evanescere observavit, partibus tinclis absorptis, et aliis earum vice depositis. Nihilominus, etiamsi terra in corpus recipiatur una cum cibo, statu quam fluidissimo absorbendum est; et effectus ejus ad corpus nocendum parum valerent; et commoda, quae ex largo diluentium usu, calculosis proveniunt, potius ab effectu diuretico, fabulosam et calculosam materiam a viis urinariis ablundo, et perspirationi favendo, quam effectibus terrae, cum cibo ingestae occurrendo oriuntur.

Quoniam

* Vide Dobson's Med. Com. pag. 171.

Quoniam autem sola terra quæ in viis urinariis deprehensa eadem est, ac terra ossium, si terra cum cibo assumpta ad calculos formandos valet, valde a vi assimilatrice mutari oportet.

Dr Hales ait, Parisienses magis calculis obnoxios esse, quam incolas aliarum regionum, propterea quod aquam Sequanae terrea materia scatentem bibunt. Lithotomiam saepius Parisiis quam alibi celebrari fatendum est, quippe caput regni amplissimi est; multi incolae, cujus calculis laborantes Parisiis, curatum commeant; quorum complures nunquam antea aquam Sequanae gustaverant.

Diatheſis calculosa, aequè ac Podagrica, hæreditaria est; et ecquidem nexus inexplicabilis inter eos obtinet. Cullenus * immortalis inter proles parentium podagricorum mares podagro foeminas calculis tentari ait. Situs horizontalis inter causas quæ calculis favent recensetur. Hales, de hoc verba faciens, ex situ renum, quam vesicae urinariae, humiliore pendere ait; quo fit, ut urina contra gravitatem ascendere coacta sit, et moram ibi faciens sedimentum deponit. Inter medicos disceptatum fuit diu, uter sexus maxime ad calculos proclivis sit; nonnulli mulieres,

* First Lines of the Practice of Physic.

lieres, quippe vitam sedentariam agentes, maxime ad calculos opportunas esse existimarunt; sed experientia rem sese longe aliter habere commonstrat; nam mulieres ex genere vitae magis aequabili, mutationibus frigoris et caloris, necnon, vi externae, quae ad catarrhales morbos et renum inflammationes inducendum valent; et mūco, vel sanguine inde orto, nucleum calculo praebente, minus obnoxias esse observantur; igitur calculis urinariis minus opportunas, urethrae brevitās, atque amplitudo calculis jam formati transitum praebens, ad idem pertinet. Ill. Monro apud se calculum ovi columbi magnitudinem adaequans a muliere per urethram redditum monstrat.

Senium quoque calculis opportunum esse existimatur, nec injuria, quia ossa, terra eorum absorpta, tunc laeviora sunt.

Nunc causis praemissis quae calculosae diathesi favent, non indignum observatu erit, ut quidcunque haec diathesis ad calculum formandum initio potest, ad eum jam formatum augendum valeat.

Sanguinis grumus, lymphae coagulabilis, puris, aut muci steria†, qualibet causa orta, in pelve renis, aut in ve-

sica

†. Baron Van Swieten's Comment.

fica urinaria, remorando tantam molem, ex materia calculosa ei apposita adipiscitur, ut urina ad eum abludum nequeat, et ita diutius remorando, magis minusve augetur, prout urina plus minusve calculosa materia sca-teat. Calculi ex laminis concentricis nucleo circumdatis constare plerumque reperiuntur; nuclei praeterea alii, nempe Bougies, frustula plumbi, *Anglice, musquet and pistol bullets*, styli plumbei, plantarum folia, fabae, pili, aristae, calamistra eburnea, et alia compluria casu vel lascivia immissa, originem dederunt. Quum nucleorum effectus ad calculos faciendos tanti sunt, ut calculus, etiam in sanissimis, nucleo praebito oriatur; et quia nuclei semper calculis inesse reperiuntur, utrum calculus sine nuclei ope viis urinariis unquam formetur, dubitandum est; nam, etsi diathesis calculosa adesset, et urina sedimento scateat, per urethram redditum ire verisimile est, nisi nucleus casu adesset. Quoniam calculus ex urinae sedimento formatur, et quia haec a variis causis mutationes multas subit, calculos inter se specie, structura, et pondere differre, nil mirum est. Boyle cel. * experimentis plurimis calculos pondere aqua duplo majore nunquam esse comperit; ab a-

C

liis

* Vide Med. Hydrostat. p. 9. et 66.

liis autem pondere aliquantulo majore fuisse, et rationem 217 ad 100 servasse, reperti sunt *. Lamellae etiam ex quibus calculus constat inter se variant, scilicet, lamina mollis et friabilis aliam marmorea duritie obtegit, haec iterum laminam pani male cocto haud dissimilem amplectitur. Apud Monro egregium, quasdam res in vesica urinaria a Dr. Douglas, apud Kelfo, deprehensas, non calculosas, sed ex laminis mucosis concentricis † confectas, sacculis ovi pullini capacibus obtectas vidi.

Symptomata ex duritie vel mollitie, asperitate vel levitate, aliqua ex parte pendere manifeste patet; quoque pondus aut magnitudo ad symptomata saeviora reddendum, haud parum valent. Symptomata a calculis magnis aut asperis vesica aut reni inhaerentibus orta, inter saevissima sunt, quae mortales miseros laceffunt. Pauca verba de iis faciam. imo, *De symptomatibus quae ex nephritide calculosa oriuntur.*

DEFINITIONES.

* Vide Philosophical Transactions Abridged, Vol. 3. p. 176;

† Vide Lond. Med. Transf. Vol. 2. IX. p. 105.

DEFINITIO*.

“ Pyrexia, dolor in regione renis, saepe ureteris iter
“ sequens, mictio frequens urinae, vel tenuis, decoloris,
“ vel ruberrimae; vomitus; cruris stupor; testiculi e-
“ jusdem lateris retractio aut dolor.”

HISTORIA MORBI.

Dolor in regione renum saepe pungens, secundum ure-
teres tendens, nausea, vomitus, tormina; symptomata
post cibum sumptum deteriora fiunt; frequens urinae
mictio; urina sub initio leviter decolorata, postea sangui-
nea, mucosa, purulenta, nigra, aut sabulosa, testiculi re-
tractio, et cruris stupor, lateris affecti. Stranguria, dysu-

ria,

* Vide Synopsis Nosologiae Method. Culleni ill.

ria, et etiam ischuria, cum alterum latus tantum laborat, dolor, cum in id decumbat, lenior est, in alterum autem gravior fit. Symptomata nonnunquam paulatim abeunt, molestiae sensus secundum ureteres tendens. Dolor interdum subito evanescit, fortasse ex calculi in vesicam lapsu. Quod si symptomata diu gravia manserint, in deteriora saepe vertuntur. Si morbus remediis adhibitis non sanatus fuerit, pervilidium, vomitus assiduus plerumque biliosus, delirium, dyspnoea, extremitatum alior, interdum animi deliquium, et sudores copiosi et visceri superveniunt; denique subsultus tendinum et stupor sequuntur, et mors agmen malorum claudit. Per morbi decursum pulsus durus et frequens est, versus finem tamen, debilis, celer, et intermittens evadit. Hic morbus aequè ac phlegmasiae reliquae solvi, aut ad suppurationem, gangraenam, aut schirrum tendere potest. Cum calculus non penitus ejectus fuerit, aeger morbi regressibus subinde obnoxius est; qui vires conficiunt, cibique appetitum tollunt, acidum in ventriculo gignitur, corpus tabescit, et febre hectica lente vires labefactante, paulatim moritur.

Quae

Quae Cadaveribus Nephritide Calculosa peremptorum dissectis in Conspectum veniunt.

Renes inflammati, ulcerati, aut schirrofi, interdum pene corrupti inveniuntur. Calculosi particuli in parenchymate renum interdum deprehenduntur, qui non ex urinae remora in pelve renis, sed in ductibus ejus oriuntur. Fortasse urina post mortem frigefacta, et sedimentum ibi deponens, hanc speciem praebet.

RATIO SYMPTOMATUM.

Calculus nervos lumbares premendo cruris stuporem, testiculique retractionem, efficit, quorum par secundum cum ramis a primo, tertio, et quarto missis conjunctum;

junctum ; nervum femoralem, aut cruralem aliquatenus constituunt, quoque nervus ex ramis a secundo, tertio, quartoque pare compositus, per foramen magnum ovale ossis pubis missus, scrotum, testes, vicinasque partes petit.

Ischuria, dysuria, &c. ex renum inflammatione aut viis uriniferis obstructis, aut spasmo affectis, oriuntur. Vomitus ex consensu inter ventriculum renesque pendet. Distensio ventriculi ac intestinorum, renes partesque vicinas prementes, in causa sint, quare symptomata post cibum sumptum, graviora fiunt, quoque omnia irritamenta, inter quae cibi assumptio recensere possumus, omnes pyrexias deteriores reddunt. Urina mucosa, sanguinea, et purulenta, &c. ex vasis ruptis inflammatione aut *calculorum erosione* provenire potest.

D I A G N O S I S.

Licet hic morbus symptomata sibi cum aliis communia, tamen sibi propria habet, quibus ab aliis distingui potest. Ab *enteritide* distinguitur stupore cruris, et testiculi

culi retractione, ab pulsu discrimen quoque oritur, quae in enteritide mollis et debilis est. Alvus in nephritide nunquam adeo pertinaciter obstricta est, quin clysmatibus emollientibus responderit. Ab *hepatitide*, testiculi retractione, et symptomatibus *hepatiditi* propriis, nempe, dolor ad claviculam summumque humeri dextri tendens, dolor et tensio hypochondrii dextri. Ab *lumbagine rheumatica* Sydenhami, facie urinae, apyrexia, et ventriculi adfectionibus, et a dolore qui saepe in lumbagine revertitur, &c. Ab *lumbagine inflammatoria* *; in hoc morbo aeger ex situ prono se sine summo dolore tollere nequit, quod in nephritide saepe impune fieri potest. Ab *colica*, a retractione testiculi, &c.

Pauca de calculo in vesica urinaria loquendum est.

DEFINITIO.

Summa cum diffidentia hanc definitionem profero, quia apud nosologos definitionem nusquam reperi.

Micturitio

* Praelectiones III. Gregorii.

Micturitio crucians, frequentior, et saepe guttatim, vel, si quando fluat, subito supprimitur, tenesmus, titillatio, dolor, seu albor glandis. Urina plerumque sabulosa, mucosa, sanguinea, foetida, aut purulenta.

H I S T O R I A.

Inter symptomata prima molestiae sensus ad extremitatem urethrae post exercitationem corpus concutientem mictionemque percipitur. Dolor saepius revertitur, et magis intenditur; frequens mingendi desiderium, urina reddita plerumque parca est; cum dolore urethrae aut glandis sub finem mingendi violens concomitatur. Tenesmus quoque adeo urgens adest, ut aeger, ubicunque mingere vult, alvum dejicere coactus est; praeterea glandis titillatio et tentigo dolentissima, alvus irregularis modo obstricta, modo soluta, et prolapsus ani, aegrum vexant. Tensio et dolor coli dolorifici quoque adsunt.

Si causa non amota fuerit, aeger ingenti dolore diutentatur; interdum autem subito ischuria formidolosa, aut inflammatione,

inflammatione moritur. Saepe vesica ulceratur, et aeger febre hectica tabescit. Viresque somno (miserorum solatio), exercitioque negatis, conficiuntur; tandem mors finem malorum dat. Urina multas species induit, interdum limpida est, saepius autem sabulosa, sanguinea, aut spissa, sedimentum mucosum dejicit. Quum calculus magnus adsit, dolor obtusus apud vesicae cervicem sentitur. Omnia symptomata exercitio augentur, si aeger titubet, dolore violente adficitur.

R A T I O S Y M P T O M A T U M.

Frequens mingendi cupido ex calculo vesicam stimulante oritur. Dolor, inter mingendum ex urinae stimulo partibus magis sensilibus muco abrafo, et aliquo modo inflammatis nascitur. Titillatio glandis, et tentigo ex consensu inter varias ejusdem membranae partes, aut ac in *gonorrhoea* ex spasmo et inflammatione oriuntur. Urina mucosa, sanguinea, ut purulenta ex muco abrafo inflammatione, ul-

D

ceratione

ceratione, aut erosione vesicae, provenire potest. Connexus inter vesicam et rectum tenesmus aliasque intestinorum affectus facit. Subita suppressio urinae pleno rivo fluentis, ex calculo vesicae cervicem aut urethrae ostium obturante aut implente, accidit.

D I A G N O S I S.

Cum omnia vel maxima pars symptomatum modo memoratorum eodem homine se ostendunt, si calculorum fragmenta aut calculos parvos una cum urina reddantur, morbum adesse compertum habemus ; Hippocrates ait, “ Ὀκροτοισιν ἐν τῷ οὐρῷ ψαμμάδια εὐφίσταται, τυτεοισιν ἢ κύσις λιθία *.” Sed optime dignoscitur digitum vel in rectum vaginamve, vel catheterem in vesicam ipsam, mittendo.

C A U S Æ

* Aphorism. Sect. 4. 79.

CAUSÆ REMOTÆ.

Hae vel excitantes vel praedisponentes sunt antea de calculis agens, nucleum calculis semper inesse dixi; quoque nucleos ad calculos formandos tantopere valere, ut jure dubitemus, utrum calculi unquam in vesica sine ope eorum formentur; etiamque ex supradictis patet, causam praedisponentem urinae sedimentum esse. Medici sedimentum magis abundare, et sic ad calculos formandos nucleo adhibito magis proclivem esse, in nonnullis prae aliis existimarunt. Hoc quoque ex variis causis aut ignotis aut fortasse parum intellectis pendet, senes, podagrici, nephriticis, et podagricis orti, humidarum et gelidarum regionum incolae, sedentarii, dyspeptici, &c. magis quam alii ad calculos opportuni sunt.

CAUSÆ

C A U S Æ E X C I T A N T E S.

I. Quaecunque vias uriniferas irritent, aut iis inflammationem inducant.

II. Quaecunque diathesin phlogisticam gignere valeant paroxysmum hujus morbi excitare pollent.

I. *a.* Exercitatio violens ; viz. ambulatio, equitatio, vel in curru per vias male stratas, gestatio.

b. Cathartica draastica, ex connexu inter vias urinarias rectumque, ad idem valent.

c. Diuretica acria, nempe terebinthinata, cantharides, &c. &c.

II.

II. *a.* Frigus corporis superficiei admotum, diathesin phlogisticam inducendo, halitumque afficiendo, ita plus humoris ad organa urinaria dirigendo.

b. Nimis largus stimulantis spirituosique potus usus.

P R O G N O S I S.

Si calculus magnus sit, aeger fortasse chirurgus tradendus est. Si morbus haereditarius fuerit, prognosis valde infauſta est, quia neque medicus aut chirurgus habitum mutare callent; et quum eadem diathesis manet, levissima res nucleum praebebit, ita calculum formabit. In prognosi facienda, tempus quod morbus duraverit, et aegri aetas, renum et vesicae status, consideratae sunt. Si diu manserit, urinaria organa ipsa fortasse morbida existunt, urina aegri habitusque hujus indicia sunt; si ulcera adsint, febris hectica a pure absorpto orietur. Si aeger juvenis, et

boni

boni habitus, etiamſi morbus aliquamdiu duraverit, prognofis fauſta habenda eſt.

R A T I O M E D E N D I.

I. Primum conſilium eſt, inflammationem, et partium laborantium ſpaſmum tollere, venaſectiōe, cliſmatibus emollientibus, balneo tepido, largo diluentium uſu, opiatīs, quiete, irritationemque vitando; optimos fructus ex tartaro emetico doſibus parvulis naſeantibus dato provenire vidi.

II. Poſt paroxyſmum ſymptomata urgentia levare, et calculum eliminare, quod vel ope chirurgica effici poteſt, (ſed nil de ea acturus ſum), aut medicamentis *lithontripticis* dictis: De nonnullis quorum, quae mihi praecipua videntur, pauca verba faciam.

Quoniam

Quoniam calculus tam diros dolores excitat, et lithotomia tam atrox est, et profecto periculum vitae non leve afferat, multisque casibus minime suadenda est; et aegri huic adeo averfantur, medicamentum quod ad calculos comminuendos et eliminandos valeret, a primis usque temporibus desideratum fuit. Quum acid. nitros. et alia quaedam calculum extra corpus solvere observantur; igitur medici ad ea animum dederunt, et pericula cum iis fecerunt; fere omnia autem vel inutilia vel nociva comperta fuerunt. Medici desperantes rem reliquerant; quum medicamentum a muliere nomine Stevens inventum tantas laudes adeptum est, ut ad Senatum Britannicum fama ejus delata esset; qui testimonio medicorum arte peritorum magno pretio illud pro bono publico redemit. Haec farrago cito male meritas laudes amisit, et adeo ingrata et nauseosa fuit, ut etiam fortissimi uti vix potuerunt. Quoniam autem aliquod levamen paucis dederat, medici et philosophi in formam magis simplicem minusque ingratam redigere conati sunt. Hoc medicamentum arcanum, rebus exutis, quae Domina Stevens causa arcanum celandi adjecerat ex calce viva male praeparata, et sapone constituisse, repertum fuit; et si sapo, quae alvum movendi causa dederat, utilis esset, fructus ejus ab alkali caustico et non ab oleo pendere

dere patet ; multis experimentis de iis factis alii effectum eorum *alkali*, alii *calci vivae*, attribuerunt ; ambo quorum antiquis nota esse ex scriptis medicis innotuit * Dr. Rutty, aquam calc. solam utilem esse existimavit, et Cel. Whytt multa experimenta edidit, quae vim lithontripticam ejus ostendere putat. Post tamen multa pericula, parum utilem esse repertum fuit.

Dr. Hales calculos ab alkali caustico minui observavit ; Jurin quoque ipse morbo laborans in se multa experimenta instituit, et se ab eo sanatum esse ait, et alkali caust. praecipue forma saponis, diu valuerat, quum Chittick famosus arcanum suum jaetabat, quod nunc nil aliud esse quam alkali causticum in jure vitulino commistum inventum est.

Quoniam indoles *alkali caustici*, aut *calcis vivae* parum intellecta fuit, nil mirum est, philosophos et medicos, cum rationem ejus *operandi* proferrent, multum errasse. Quia sal volatile et ab ammoniaco, et ab urina, ope calcis vivae, expedire observabant ; calculum a quibusdam particulis

* Vide Bartholin. Epistol. Med. Cent. 4. Epist. 76. pag. 395.

culis igneis a calce acceptis comminutum esse; quoque, causticitatem alkali ab iisdem particulis oriri existimarunt; at postquam pulchra experimenta immortalis *Black* causticitatem alkali ex absentia aëris fixi pendere demonstrassent, et hoc addito, iterum mitescere; ad sententiam aliam se contulerunt, obliti aërem^{et} fixum, ventriculo et viis alimentariis inesse; alkali causticum per eas lymphaticaque, cor, et pulmones, immutatum iturum esse, et renes vesicamque perventurum, ibi calculum soluturum crediderunt, aërem^{et} fixum auferendo, quem vinculum cohaesionis esse *Macbride* docuit. Alkali causticum nimis diu valuit sub variis nominibus, nempe *Blackries* lixivium, &c. &c. Homines falsa argumentandi specie errantes, tandem fatali experientia edocti medicamentum tam perniciosum pene respuerunt. *Hales* sales in statu effervescentiae calculos minuisse comperit*. *Black* immortalis terram calcaream majore solita aëris fixi copia conjunctam in aqua solubilem esse ostendit; *generosus Cavendish* Dr. *Priestley* philosophi illustres idem probarunt; inde philosophis in animum venit, calculos in vesica urinaria ope

E

aëris

* Vide Haemastatics, on the Animal Calculus.

aëris fixi minui posse. Doctores *Saunders* et *Percival* principes hanc sententiam adoptarunt ; prior horum solutionem calculorum in misturis effervescentibus a *Hales* observatam, ex vi solvente aëris fixi pendere dixit ; experimenta ab *Percival*, *Saunders*, *Dobson*, et *Falconer*, instituta aquam mephiticam calculos minuere ostenderunt. Sed ab experimentis clar. *Home* * apud Nosocomium nostrum Regium *Edinense* factis, effectus *aq. mephit.* ad calculos comminuendos multum variare constat. Quinetiam, etsi fides et acumen eorum non dubitandum est, exemplum tamen nusquam existit, ex quo calculum in corpore humano hoc modo solutum fuisse patet ; materiis ex quibus calculus conflatus est perpenſis, res, me iudice, admodum dubitanda est ; nam terra ossium quae calculis inesse videtur terra calcarea est, cum acid. phosphori arctissime conjuncta ; ideo aërem fixum minime appetit, et ab eo parum afficitur ; mucus quoque qui in calculis abundat in aëre fixo solvi nequit. Medici qui facultate solvente aëris fixi freti sunt, alkali mite in aqua solutum acido immisso magnam vim aëris fixi edidere observarunt ; igitur hanc formulam suaſerunt ; *solutiones alkalinae* et *acida* ple-
rumque

* Home's Clinical Experiments.

rumque seorsim administrata fuerunt, ita in ventriculo efferbuerunt, et multa exempla existunt quibus has misturas multum profuisse constat. Deinde *Priestley* cel. methodum excogitavit aquam aëre fixo explendi, et apparatus idonei huic perficiendo a *Nooth* * et *Withering* † divulgati fuerunt. Postea *aq. mephit. alk.* optimo cum fructu adhibita fuit ‡. Exemplum mihi contigit videre, quo effectus ejus manifeste innotuerunt. *Dominus Cook* apud *Cookstown*, solum meum natale, mense Julio 1778, post equitationem violentam, primo calculum laborare incepit, et per annum 1785, et partem maximam 1786, in cubiculo manere coactus fuit. Res in discrimen venerat; mortem quam lithotomiam subire maluit, neque suadenda fuit, uti omnia signa calculorum renibus aequae ac vesicae inhaerentium habuit. Tamen *Culleno* immortal. approbante aquam *meph. alkalinam* praescribere ausus sum; ea mense Augusto, anno 1786 uti incepit; aliquamdiu se nil meliorem habuit, et intra spatium duorum mensium primorum,

* Vide *Philosophical Transactions*, Vol. lxxv. A. D. 1775.

† Vide *Priestley on Air, &c.* Vol. 5. pag. 389. App.

‡ Vide *Falconer's Appendix to Dobson's Medical Comment. on Fixed Air.*

morum, bis vel ter paroxysmis morbi correptus fuit ; me-
litrenue suadente autem uti perseveravit ; et mirabile dictu
morbus paulatim abiit. Cibi appetitus et somnus reverte-
runt; et tandem urinam tenere, et reddere sine dolore po-
tuit, hodie, (ut spero) valetudine aequae secunda ac in ju-
ventute utitur. Quoniam medicamentum ventriculo gra-
tum erat, et saepe eccoproticis egebat, aq. meph. *alkalina*
cum duplici *alkali* hoc consilio exhibui, et ut medelam pro-
peraret. Et procul a ventriculum laedendo, symptomata
dyspeptica, quibus laborabat, penitus abstulit ; ita hac for-
mula uti pergit.

Diu notum fuit alkali ore absumptum urinam imbue-
re * ; utrum aer fixus ad vesicam perveniret dicier restat.
“ It might be questioned (ait *Priestley*), whether the fixed
“ air can be conveyed by the course of circulation, and
“ by that means impregnate the urine. I have found,
“ however, that it may do it, having more than once ex-
“ pelled, from a quantity of fresh made urine, by means
“ of heat, about one fifth its bulk of pure fixed air, as
“ appeared by its precipitating lime from lime-water,
“ and

* Vide Home's Clinical Lectures;

“ and being almost wholly absorbed by water *.” Exinde verisimile est, ut *alkali aëre fixo* conjunctum, una cum urina devectum, terream et mucosam partem calculorum *duplici affinitate* solvere pollet; *alkali* mucum solvens, et acidum calculosum appetens, et terram tunc calcaream ab acido aëreo solvendam linquens. Rem ita sese habere ab experimentis sequentibus mihi verisimile videtur.

Exper. I. Drachmas duas alkali fixi in libris duabus urinae recentis solvi, cui calculi in pulv. contriti gr. x. adjeci, hanc misturam, baln. aq. calore gradus nonaginta et octo *Fahrenbeiti*, aequante, per horas viginti quatuor exposui, et nullos effectus observavi; deinde in vas a *Nooth* inventum infudi, aëre fixo adhibito, calculus solvi visus est.

Exper. II. *Urinae* et *aq. mephit. alk.* singularum $\frac{3}{4}$ viii. commiscui, fragmentum calculi durissim. granorum xl. pondere immissi, effervescencia lenis protinus supervenit, et post horas 48 granas tres amiserat; temper. 62° Fahrenheit.

Exper.

* Experiments and Observations on Air, Vol. ii. pag. 216.

Exper. III. Ut scirem an urina *Domini Cook* aëre fixo imbuta esset, pars ejus in aq. calc. infudi, quae protinus turbida evasit; sed experimento iterato cum urina fani, idem accidere, observavi. Hujus phaenomeni aspectu valde turbatus fui, et ab aëre fixo quem *Dr Priestley* semper inesse ait pendere credebam, quum de eo ad *Professorem Rutherford* in colloquio locutus sum, ab acido phosphorico pendere dixit. Quum urina et solutio sacch. saturn. et quaedam alia salina commisceantur, praecipitatum largum dejici quoque observavi.

Urina sanorum sedimentum tenet, dum ad certum gradum calet, frigefacta autem demittit. Urina autem *Domini Cook* recenter reddita, supraque ignem calefacta, sedimentum largum deposuit; hoc ab expulsionem aëris fixi oriri credo. Ab experimentis fructuque hujus medicamenti, aq. mephit. alk. facultate lithontriptica intra corpus gaudere videtur; et sic facit patefactionem *Gastrorum* beneficium ulterius hominibus. Quoniam multa medicamenta, quae famam pro tempore adepta sunt, spes nostras fefellerunt, nos omne fere lithontripticum suspectum habere cogit. Sed si hoc medicamentum ad calculum solvendum

vendum parum valeret, calculosis tamen aliis modis prodesse potest, ut *Gregorius noster, Medicorum Princeps*, ait, non modo stimulanti et diuretica vi; sed etiam aciditatem obviam eundo; et vires concoctrices reficiendo; ita corpus melius nutrietur et fluida ipsa magis naturalia reddentur*. Hoc modo *astringentia*, aq. cal. et chalybeata, uvaque ursi ipsa, quae De Haen calculum minuere putavit, tantum effectus edunt. Ex varietate calculorum fortasse nullum medicamentum ad omnes accommodatum inveniri potest: *Aq. meph. alkal.* praestantius quam ullum alium medicamentum valere observavi; nam quum *alkali caust.* ℥ii. et *urinae recent.* ℥iv. commiscui, nebula protinus ex multis flocculis confecta sese ostendit, et in calculum non agit; *urina* cum *acid. vitriol.* vel *muriat.* eadem ratione commista, nullos effectus in calculum edidit. *Acid. nitros.* etiamsi *urina* dilutum aliquid ad calculum minuendum potest. P. Æ. aq. calc. et *urinae* commistae, nil valent. Si omnia experimenta quae institui fufius hic darem, haec dissertatio nimis cresceret. Fortasse *alias* in lucem venient. Igitur, quaestione una vel altera propositis, ad finem dissertationem perducam.

Antea

* Vide Conspect. Medicinae Theor. Vol. ii. pag. 644.

Antea dictum fuit, *urinam frigesactam* sedimentum dejicere, et iterum *calesactam* eandem quantitatem dissolvere.

I. Nonne *urina tepida*, ope instrumenti a *Butter* inventi, in vesicam injecta ad calculum comminuendum valeret?

Scheele ingenios. *terram animale*m aut (verbis mutatis) *calcaream*, cum *acido phosphorico* conjunctam, omni *urinae* inesse, et redundantia hujus acidi suspensam teneri ait *.

II. Utrum *acid. phosphor.* calculosis prodesset?

Quoniam *ossa*, *calculorum indoli* similia sunt, quam ulla res alia, *fluidum gastricum* animalium quorundam, *illa*, solidis vivis intactis, solvere pollet †.

III. Utrum hoc *fluidum* in vesicam injectum ad calculum solvendum *tuto* et *cito* valere posset?

Hoc

* Vide *Scheele's Essays*, ix.

† Vide *Hunter on the Animal oeconomy*, *Monro*, *Stevens*, *Spallanzani*, &c.

Hoc in mentem *modo* venit, et *tempus* ad experimenta instituenda *nunc* mihi deest.

Legibus hujus Almae Academiae morem gerens, quicquid de *Calculo Urinario* et *Lithontripticis* inveni, jam in unum collegi; nil itaque restat, quin ut lectorum clementiam obsecrem erga opus cito peractum. Quibuscunque scateat delictis, auctorem condonantes, oro, leni corrigite manu !!!

F I N I S.

E R R A T A.

Pag. 11. l. 15. *dele* copia

15. l. 10. *pro* Paris curatum *lege* Lutetiam ut curentur

16. l. 21. *pro* steria *lege* stiria

